



REPUBLIKA E SHQIPËRISË
KOMISIONI I PROKURIMIT PUBLIK

Nr.678/10 prot.,

Datë 12.03.2026

V E N D I M
Nr. 383/2026

Komisioni i Prokurimit Publik, i përbërë nga:

Fiorent Zguro	Nënkryetar
Anila Malaj	Anëtar
Kreshnik Ternova	Anëtar
Gjergj Mersini	Anëtar

Në mbledhjen e datës 12.03.2026 shqyrtoi ankesën me:

Objekt: Shfuqizimi i vendimit të Komisionit të Vlerësimit të Ofertave për kualifikimin e ofertës të paraqitur nga BOE “BE-IS Sh.p.k” & “2T Sh.p.k” në procedurën e prokurimit “Procedurë e hapur”, me Nr. REF: 73123-12-22-2025, me objekt “Sistemim dhe asfaltimi i bllokut “12 Shtatori” (Qender-2 Cezmat), Bashkia Rrogozhine”, me fond limit 161.316.821 (njqind e gjashtedhjetë e një milion e treqind e gjashtembedhjetë mijë e teteqind e njezet e një) Lekë pa TVSH, zhvilluar në datën 19.01.2026 nga autoriteti kontraktor, Bashkia Rrogozhine.

Ankimues: BOE “ISOBAR CONSTRUCTION” Sh.p.k. (përfaqësues), me NUIS L12210036D, me adresë: Mezez, toke me numer pasurie 12/14, volumi 2, faqe 97, e ndodhur ne zonen kadastrale 2629, & “INERTI” Sh.p.k. me NUIS J66926804L.

Autoriteti Kontraktor: Bashkia Rrogozhine, me adresë: Lagjja NR.1, Rruga e Kavajes.

Subjekte të Interesuar:

BOE “BE-IS Sh.p.k” & “2T Sh.p.k, me NUIS K71412003A, me adresë: KALIS, Godina Nr.2, Heci Veleshice, Kalis, Zall Kalis, Kukes.

Baza Ligjore:

Ligji nr. 162/2020 “Për Prokurimin Publik” i ndryshuar, Vendimi i Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimi i Komisionit të Prokurimit Publik Nr. 766, datë 13.10.2021 “Për miratimin e rregullave për organizimin dhe funksionimin e Komisionit të Prokurimit Publik”, Neni 4 i Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”.

Komisioni i Prokurimit Publik, pasi shqyrtoi ankesën e paraqitur nga operatori ekonomik ankimues dhe pasi diskutoi çështjen në tërësi,

Vëren:**I***Vlerësimi paraprak*

I.1. Vlëra limit e përlllogaritur për procedurën e prokurimit objekt - ankimi është mbi kufirin e ulët monetar, ndaj shqyrtimi dhe vendimmarrja do të bëhet nga të gjithë anëtarët, në përputhje me pikën 1, të nenit 30 të ligjit nr. 162/2020 “Për prokurimin publik” dhe Rregullat e Prokurimit Publik.

I.2. Ankimuesi ka *prima facie* interes në këtë procedurë prokurimi dhe për këtë arsye legjitimohet për të paraqitur ankesë në lidhje me të.

I.3. Operatori ekonomik ankimues ka paraqitur ankesë pranë autoritetit kontraktor dhe njëherazi pranë Komisionit të Prokurimit Publik.

I.4. Ankimuesi nuk plotëson kushtet formale të paraqitjes së ankesës pranë Komisionit të Prokurimit Publik.

II*Rrethanat e çështjes*

II.1. Në datën 24.12.2025, është publikuar në Sistemin e Prokurimeve Elektronike, procedura e prokurimit “*Procedurë e hapur*”, me Nr. REF: 73123-12-22-2025, me objekt “Sistemim dhe asfaltimi i bllokut “12 Shtatori” (Qender-2 Cezmat), Bashkia Rrogozhine”, me fond limit 161.316.821 (*njeqind e gjashtedhjetë e një milion e treqind e gjashtembedhjetë mijë e teteqind e njezet e një*) Lekë pa TVSH, zhvilluar në datën 19.01.2026 nga autoriteti kontraktor, Bashkia Rrogozhine.

II.2. Në datën 19.01.2026 autoriteti kontraktor zhvilloi procedurën e prokurimit objekt - ankimi.

II.3. Nga verifikimi në sistemin e prokurimit elektronik (SPE), si dhe referuar informacionit të autoritetit kontraktor të dorëzuar pranë Komisionit të Prokurimit Publik, autoriteti kontraktor në datën 17.02.2026 ka kryer vlerësimin e ofertave të operatorëve ekonomikë pjesëmarrës në këtë procedurë prokurimi, të cilët kanë paraqitur ofertat ekonomike (pa TVSH), përkatësisht:

1. OE Bajrami N shpk 116,147,358.18 lekë I Skualifikuar
2. BOE “BE-IS Sh.p.k” & “2T Sh.p.k 131,476,325 lekë I Kualifikuar
3. BOE “Biba X shpk” & “Alba Konstruksion” shpk 102,652,810.20 lekë I Skualifikuar
4. OE “Hastoci shpk” 132,218,634.40 I Skualifikuar
5. BOE “ISOBAR CONSTRUCTION” Sh.p.k.& “Inerti” Shpk 154,896,016.80 I Kualifikuar
6. BOE “Liqeni VII” Shpk & “Sardo” Shpk & “Metal Nesimi” Shpk 112,597,290 I Skualifikuar
7. BOE “Ndregjoni” Shpk & “RFIN Company” Shpk 124,243,247 I Skualifikuar
8. BOE “T&J Konstruksion” Shpk & “Asi-2A Co” Shpk & “Ulza” Shpk 115,699,212 I Skualifikuar

II.4. Në datën 23.02.2026, autoriteti kontraktor ka publikuar “Njoftim-Fituesi Paraprak” në sistemin e prokurimeve elektronike, për procedurën e prokurimit objekt-ankimi, publikuar në Buletinin e Njftimeve Publike nr. 17, datë 02.03.2026, ku është shpallur fitues BOE “ISOBAR CONSTRUCTION” Sh.p.k.& “Inerti” Shpk”.

II.5. Në datën 02.03.2026 pranë Komisionit të Prokurimit Publik, është administruar ankesa me nr. 678/2026 protokoli, me datë 03.03.2026 dhe me numër ankimi elektronik A/2026/6381 e BOE “ISOBAR CONSTRUCTION” Sh.p.k. (përfaqësues), & “INERTI” Sh.p.k., duke kundërshtuar vendimin e Komisionit të Vlerësimit të Ofertave lidhur me kualifikimin e ofertës të paraqitur nga BOE “BE-IS Sh.p.k” & “2T Sh.p.k., në procedurën e sipërpërmendur të prokurimit.

II.6. Në përputhje me nenin 112 “Veprimet paraprake” të Ligjit nr.162/2020 “Për Prokurimin Publik”, i ndryshuar Komisioni i Prokurimit Publik me marrjen e ankesës, e publikoi atë në bazën e të dhënave të tij, e cila përmban të dhëna për: a) ankimesin, adresën dhe NUIS-in; b) të dhëna

të plota për procedurën e prokurimit (objekt, numër reference, fond limit, datën e zhvillimit të procedurës), si dhe publikoi formularin e publikimit nr.678/1 prot, datë 03.03.2026, lidhur me kriteret që BOE “ISOBAR CONSTRUCTION” Sh.p.k. (përfaqësues), & “INERTI” Sh.p.k., pretendon se nuk përmbushen nga BOE “BE-IS Sh.p.k” & “2T Sh.p.k., në procedurën e sipërpërmendur të prokurimit.

II.7. Nga verifikimet e materialeve të fashikullit të shqyrtimit administrativ rezulton se, statusi i pagesës për ankesën me nr. 678/2026 protokoll, datë 03.03.2026 dhe me numër ankimi elektronik A/2026/6381 e BOE “ISOBAR CONSTRUCTION” Sh.p.k. (përfaqësues), & “INERTI” Sh.p.k., rezulton **“Paparqitur mandat pagesë”**. Me qëllim vijim e shqyrtimit të mëtejshëm të ankesës nga KPP me shkresën nr. 678/2 prot., datë 10.03.2026 nga KPP ju kërkua informacion autoritetit kontraktor për sa më poshtë vijon:

... me qëllim vijimin e gjykimit të ankesës, Komisioni i Prokurimit Publik kërkon të informohet në lidhje me administrimin e kësaj ankese pranë institucionit tuaj si dhe veprimet procedurale të kryera nga ana juaj sipas parashikimeve të nenit 111/3 të ligjit nr.162/2020 “Për Prokurimin Publik” i ndryshuar dhe nenit 94/4 të VKM-së nr. 285, datë 19.05.2021 “Për miratimin e rregullave të prokurimit publik”, i ndryshuar, në lidhje me plotësimin e të metave të ankesës...”.

II.8. Me shkresën nr. 678/3 prot., datë 10.03.2026 lidhur me kërkesën e bërë për statusin e ankesës së BOE “ISOBAR CONSTRUCTION” Sh.p.k. (përfaqësues), & “INERTI” Sh.p.k, Komisioni, iu drejtua sektorit të Financës për informacion mbi statusin e pagesës.

II.9. Nëpërmjet shkresës me nr. 948/2 prot., datë 09.03.2026, protokolluar me tonën me nr. 678/4 prot., datë 11.03.2026 me objekt **“Dërgim vendimi”**, (Vendimi i KSHA), dërguar me postë elektronike në adresën zyrtare të KPP-së, informacioni mbi trajtimin e ankesës së BOE ankimes “ISOBAR CONSTRUCTION” Sh.p.k. (përfaqësues), & “INERTI” Sh.p.k”, ku konstatohet se e ka **refuzuar** atë për shkak të **mosplotësimit të kushteve formale** siç është dokumenti bankar **“mandat pagesa”**, duke mos marrë parasysh këtë formular ankese.

Nga verifikimi rezulton se Autoriteti Kontraktor Bashkia Rrogozhinë me anë të një email-i zyrtar në datën 04.02.2026, dërguar operatorit ekonomik “ISOBAR CONSTRUCTION” Sh.p.k. në adresën e email a_tarelli77@yahoo.com, ku e vënë në dijeni për të metën e ankesës së paraqitur si dhe i kanë lënë afat 2 (dy) ditë për të paraqitur mandat pagesës (sipas parashikimeve ligjore).

Operatorët ankimes nuk kanë dorëzuar mandat pagesën pas përfundimit të afatit 2 (dy) ditor, kjo sipas verifikimeve të bëra në systemin e KPP.

II.10. Sekori i Financës informon me shkresën kthim përgjigje me nr. 678/5, prot., datë 11.03.2026, ndër të tjera se: **“ [...] Për ankesën me nr. 678/2026 protokoll, datë 03.03.2026 dhe**

me numër ankimi elektronik A/2026/6381, BOE “ISOBAR CONSTRUCTION” Sh.p.k. (përfaqësues), & “INERTI” Sh.p.k, nuk ka paraqitur dokument bankar në seksion mandat pagese. Në vijim të shkresës tuaj janë kryer verifikime me raportin e datës 11.03.2026 të dërguar nga Dega e Thesarit për arkëtimet e kryera deri më datë 09.02.2026, ku rezulton se, BOE “ISOBAR CONSTRUCTION” Sh.p.k. (përfaqësues), & “INERTI” Sh.p.k, **nuk ka kryer pagesë për ankesën e sipërcituar në favor të Komisionit të Prokurimit Publik** ...

II.11. Nëpërmjet shkresës me nr. 948/2 prot., datë 09.03.2026, protokolluar me tonën me nr. 678/6 prot., datë 12.03.2026 me objekt “Dërgim vendimi”, (Vendimi i KSHA), dërguar me shërbim postar, informacioni mbi trajtimin e ankesës së BOE ankimues “ISOBAR CONSTRUCTION” Sh.p.k. (përfaqësues), & “INERTI” Sh.p.k”, ku konstatohet se e ka **refuzuar** atë për shkak të **mosplotësimit të kushteve formale** siç është dokumenti bankar “mandat pagesa”, duke mos marrë parasysh këtë formular ankese.

Nga verifikimi rezulton se Autoriteti Kontraktor Bashkia Rrogozhinë me anë të një email-i zyrtar në datën 04.02.2026, dërguar operatorit ekonomik “ISOBAR CONSTRUCTION” Sh.p.k. në adresën e email a_tarelli77@yahoo.com, ku e vënë në dijeni për të metën e ankesës së paraqitur si dhe I kanë lënë afat 2 (dy) ditë për të paraqitur mandat pagesës (sipas parashikimeve ligjore).

Operatorët ankimues nuk kanë dorëzuar mandat pagesën pas përfundimit të afatit 2 (dy) ditor, kjo sipas verifikimeve të bëra në systemin e KPP.

II.12. Nga shqyrtimi i akteve të ndodhura në fashikullin e shqyrtimit administrativ rezulton, se nuk janë paraqitur argumente sipas parashikimeve të nenit 113, të ligjit 162/2020 “Për Prokurimin Publik”, i ndryshuar.

III

Komisioni i Prokurimit Publik

pas shqyrtimit të ankesës, dokumentacionit bashkëngjitur kësaj ankese,

Arsyeton:

III.1. Lidhur me ankesën e administruar në datën 03.03.2026 nëpërmjet sistemit elektronik të ankesave nga BOE “ISOBAR CONSTRUCTION” Sh.p.k. (përfaqësues), & “INERTI” Sh.p.k”, me nr. ankimi elektronik A/2026/6381, për procedurën e prokurimit “Procedurë e hapur”, me Nr. REF: 73123-12-22-2025, me objekt “Sistemim dhe asfaltimi i bllokut “12 Shtatori” (Qender-2 Cezmat), Bashkia Rrogozhine”, me fond limit 161.316.821 (njqind e gjashtedhjetë e nje milion e treqind e gjashtembedhjetë mijë e teteqind e njezet e nje) Lekë pa TVSH, zhvilluar në datën

19.01.2026 nga autoriteti kontraktor, Bashkia Rrogozhine, mbi skualifikimin e ofertës së paraqitur nga operatori ekonomik ankimues, Komisioni i Prokurimit Publik konstaton, se BOE ankimues “ISOBAR CONSTRUCTION” Sh.p.k. (përfaqësues), & “INERTI” Sh.p.k”, nuk ka kryer pagesën e tarifës financiare për ankesën e mësipërme, në përputhje me përcaktimet në nenin 111, të ligjit nr. 162/2020 “Për prokurimin publik”, i ndryshuar ku parashikohet se:

“1. Operatori ekonomik ankimues dërgon njëkohësisht ankesën në autoritetin ose entin kontraktor dhe Komisionin e Prokurimit Publik në Sistemin e Ankesave Elektronike. Rregulla të posaçme për mënyrën e paraqitjes së ankesës përcaktohen në rregullat e prokurimit publik.

2. Ankesa bëhet sipas formularit përkatës, ku shënohen emri dhe adresa e ankuesit, referimi për procedurën konkrete dhe bazën ligjore, ku ankuesi pretendon për shkeljet, pagesa e tarifës së ankesës, duke e shoqëruar atë me dokumentacionin dhe provat përkatëse, për të cilat mendon se mbështesin ankimin e tij. Elementet e sipërpërmendura janë të domosdoshme për shqyrtimin e ankesës. Ankimesi është i detyruar t'i bashkëlidhë ankimit dokumentin bankar që vërteton pagesën e tarifës përkatëse për ankesën.

3. Nëse mungon ndonjë nga elementet e sipërpërmendura ose formulari nuk është plotësuar në mënyrën e duhur, atëherë autoriteti ose enti kontraktor duhet të vërë në dijeni ankimesin për të plotësuar formularin. Njoftimi mund të bëhet me çdo mjet të mundshëm, përfshirë edhe postën elektronike, dhe në çdo rast dokumentohet. Nëse ankesa nuk korrigjohet brenda 2 ditëve nga njoftimi, ajo vlerësohet si e paparaqitur.

4. Në çdo rast, paraqitja e ankesës shoqërohet me mandatpagesën e bërë pranë Komisionit të Prokurimit Publik.”

III.1.1. Në gërmën “a” të pikës 2 të nenit 118 të ligjit nr. 162/2020 “Për prokurimin publik”, i ndryshuar, është parashikuar se: *“2. Përpara lidhjes së kontratës, Komisioni i Prokurimit Publik ka të drejtë: a) të refuzojë ankesën për shkak të mosplotësimit të elementeve të domosdoshme për shqyrtimin e saj dhe mosrespektimit të afateve të ankimit, sipas parashikimeve të neneve 110 dhe 111 të këtij ligji”.*

III.1.2. Nëpërmjet shkresës me nr. 948/2 prot., datë 09.03.2026, protokolluar me tonën me nr. 678/4 prot., datë 11.03.2026 me objekt “Dërgim vendimi”, (Vendimi i KSHA), dërguar me postë elektronike në adresën zyrtare të KPP-së, informacioni mbi trajtimin e ankesës së BOE ankimues “ISOBAR CONSTRUCTION” Sh.p.k. (përfaqësues), & “INERTI” Sh.p.k”, ku konstatohet se e ka **refuzuar** atë për shkak të **mosplotësimit të kushteve formale** siç është dokumenti bankar “mandat pagesa”, duke mos marrë parasysh këtë formular ankese.

Nga verifikimi rezulton se Autoriteti Kontraktor Bashkia Rrogozhinë me anë të një email-i zyrtar në datën 04.02.2026, dërguar operatorit ekonomik "ISOBAR CONSTRUCTION" Sh.p.k. në adresën e email a_tarelli77@yahoo.com, ku e vënë në dijeni për të metën e ankesës së paraqitur si dhe I kanë lënë afat 2 (dy) ditë për të paraqitur mandat pagesës (sipas parashikimeve ligjore).

Operatorët ankimues nuk kanë dorëzuar mandat pagesën pas përfundimit të afatit 2 (dy) ditor, kjo sipas verifikimeve të bëra në systemin e KPP.

III.1.3. Gjithashtu, Sekori i Financës informon me shkresën kthim përgjigje me nr. 678/5, prot., datë 11.03.2026, ndër të tjera se: " [...] Për ankesën me nr. 678/2026 protokolli, datë 03.03.2026 dhe me numër ankimi elektronik A/2026/6381, BOE "ISOBAR CONSTRUCTION" Sh.p.k. (përfaqësues), & "INERTI" Sh.p.k, nuk ka paraqitur dokument bankar në seksion mandat pagese. Në vijim të shkresës tuaj janë kryer verifikime me raportin e datës 11.03.2026 të dërguar nga Dega e Thesarit për arkëtimet e kryera deri më datë 09.02.2026, ku rezulton se, BOE "ISOBAR CONSTRUCTION" Sh.p.k. (përfaqësues), & "INERTI" Sh.p.k, **nuk ka kryer pagesë për ankesën e sipërcituar në favor të Komisionit të Prokurimit Publik** ...

III.1.4. Referuar pikës 2 të nenit 111 të LPP-së, i ndryshuar, Komisioni thekson, se ligjvënësi ka përcaktuar disa elemente të domosdoshme formale për paraqitjen e ankesës, njëkohësisht pranë Komisionit të Prokurimit Publik dhe autoritetit kontraktor. Një prej elementeve të domosdoshme për paraqitjen e ankesës është edhe dokumenti bankar, që vërteton pagesën e tarifës përkatëse për ankesën. Ndërsa referuar pikës 3 të nenit 111 të LPP-së, i ndryshuar, Komisioni gjykon, se ligjvënësi i ka dhënë një mundësi ankimuesve, që të korrigjojnë ankesat e tyre në rast se konstatohet mungesa e një apo më shumë elementeve formale të përcaktuara në pikën 2 të nenit 111 të LPP-së, i ndryshuar. Me anë të kësaj mundësie, ligjvënësi ka dashur të përcjellë frymën, se nuk mund t'i refuzohet e drejta e ankimit subjekteve që pretendojnë se dëmtohen ose rrezikojnë të dëmtohen nga një vendimmarrje e autoritetit kontraktor në mënyrë apriori, vetëm për shkak të disa mungesave formale, të cilat mund të korrigjohen lehtësisht brenda një afati të arsyeshëm, që nuk cenon parimin e efikasitetit në procedurat e prokurimit publik. Bazuar në dispozitën e mësipërme, për të konstatuar mungesat lidhur me elementet formale të ankesës, si dhe për të vënë në dijeni ankimuesin lidhur me mungesat e konstatuara, është detyrim i autoritetit kontraktor, i cili duhet të njoftojë menjëherë ankimuesin me çdo mjet të mundshëm, duke i lënë 2 ditë kohë për të korrigjuar elementet e domosdoshme formale të ankesës.

Referuar informacionit të autoritetit kontraktor të depozituar në KPP përmes shkresës me nr. 948/2 prot., datë 09.03.2026, protokolluar me tonën me nr. 678/4 prot., datë 11.03.2026 dhe me nr. 678/6 prot., datë 12.03.2026, autoriteti kontraktor ka dërguar informacion me postë elektronike dhe me shërbim postar, duke informuar se i ka dërguar njoftim BOE ankimues, mbi korrigjimin e të metave të formularit të ankesës dhe i ka lënë dy ditë për të paraqitur mandat pagesën. Pra

rezulton se, autoriteti kontraktor ka zbatuar përcaktimet e bëra nga ana e ligjvënësit në pikën 3 të nenit 111 të LPP-së, i ndryshuar, duke respektuar hapat proceduralë që parashikon kjo dispozitë ligjore, sepse përmes komunikimit i ka kërkuar BOE ankimues, ndreqjen e të metave të ankesës, si në rastin konkret kryerjen e pagesës së tarifës për ankesën e paraqitur pranë autoritetit kontraktor.

Komisioni i Prokurimit Publik thekson faktin, se përcaktimi i procedurave të caktuara në LPP dhe Rregullat e Prokurimit Publik, duke filluar nga përgatitja e ofertës, shqyrtimi i ofertave, ankimimi, si dhe mundësia për të korrigjuar mangësitë lidhur me elementet e domosdoshme formale të ankesës, përfaqësojnë garanci dhe siguri juridike për palët e interesuara. Parimi i ligjshmërisë është ndër parimet kryesore të veprimtarisë së organeve të administratës publike. Gjithashtu, ndër parimet kryesore të zhvillimit të procedurave të prokurimit, parashikuar nga lex specialis LPP, janë ato të mosdiskriminimit, transparencës dhe barazisë. Tërësia e elementeve të mësipërme, lidhet ngushtësisht me elemente të ligjshmërisë së vendimeve të organeve të administratës publike.

Komisioni Prokurimit Publik, pasi shqyrtoi faktet dhe provat bashkëlidhur dokumentacionit të dërguar nga autoriteti kontraktor thekson, se ky i fundit ka njoftuar (më datë 04.03.2026 sipas printsreen) BOE ankimues përmes komunikimit elektronik, në lidhje me korrigjimin e mangësive të konstatuara në lidhje me elementet formale të ankesës, konkretisht pagesës së tarifës së ankesës.

From Bashkia Rrogozhine <Bashkia.Rrogozhine@bashkiarrogzhine.gov.al>
Date Wed 04/03/2026 16:04
To a_tarelli77@yahoo.com <a_tarelli77@yahoo.com>

Pershendetje,

Ne lidhje me ankesen tuaj te bere online ne sistemin e KPP me nr. A/2026/6381, ju bejme me dije se ne menyre qe ankesa juaj te merret parasysh duhet te plotesoni formatin e kerkuar sipas parashikimeve ligjore ne fuqi. Aktualisht statusi mandat pageses ne sistem rezulton "pa paguar". Ne rast mos pagimi te mandatit, ankesa juaj nuk do te merret parasysh sepse nuk ploteson formen e kerkuar sipas parashikimeve ligjore.

Keni afat 2 (dy) afat per plotesimin e te metes se kesaj ankese.

Gjithashtu, me shkresën përcjellëse me nr. 948/2 prot., datë 09.03.2026, protokolluar me tonën me nr. 678/4 prot., datë 11.03.2026 dhe me nr. 678/6 prot., datë 12.03.2026, autoriteti kontraktor informon Komisionin e Prokurimit Publik se ka trajtuar ankesën e BOE ankimues dhe në përfundim **ka vendosur refuzimin e saj**, (Vendimi i KSHA me nr. 948/1 prot., datë 09.03.2026), për shkak të moskorrigjimit të të metave të ankesës nga operatori ekonomik ankimues.

Sa më sipër, konstatohet se ankimuesi nuk ka paguar tarifën financiare të ankesës në përputhje më përcaktimet e pikës 2, të nenit 111, të ligjit nr. 162/2020 “Për prokurimin publik”, i ndryshuar, duke mos plotësuar kështu një prej elementeve të domosdoshme për shqyrtimin e ankesës.

Sa më sipër argumentuar, për sa kohë, kërkesa e paraqitur nga operatori ekonomik ankimues pranë Komisionit Prokurimit Publik nuk plotëson kushtet formale, siç është pagesa e tarifës, rrjedhimisht kjo ankesë duhet refuzuar.

Për sa më sipër, në mbështetje të neneve 30, dhe 118 të ligjit nr. 162/2020 “Për Prokurimin Publik”, i ndryshuar Vendimit të Këshillit të Ministrave nr. 285, datë 19.05.2021 “Për miratimin e rregullave të prokurimit publik”, i ndryshuar, Vendimit të Këshillit të Ministrave nr. 236, datë 20.04.2023 “Për përcaktimin e rregullave dhe tarifës së pagesës për ankimin në një procedurë prokurimi pranë Komisionit të Prokurimit Publik”, Vendimit të Komisionit të Prokurimit Publik Nr. 766, datë 13.10.2021 “Për miratimin e rregullave “Për Organizimin dhe Funkcionimin e Komisionit të Prokurimit Publik”, nenit 4, të Vendimit të Komisionit të Prokurimit Publik nr. 500/2020 datë 5.11.2020 “Rregullore për Marrjen e Masave Organizative për Ushtrimin e Veprimtarisë së Institucionit të Komisionit të Prokurimit Publik gjatë gjendjes së pandemisë së shkaktuar nga COVID -19”, Komisioni i Prokurimit Publik, njëzëri,

Vendos:

1. Të mos pranojë ankesën e paraqitur nga BOE “ISOBAR CONSTRUCTION” Sh.p.k. (përfaqësues), & “INERTI” Sh.p.k”, në procedurën e prokurimit “Procedurë e hapur”, me Nr. REF: 73123-12-22-2025, me objekt “Sistemim dhe asfaltimi i bllokut “12 Shtatori” (Qender-2 Cezmat), Bashkia Rrogozhine”, me fond limit 161.316.821 (njqind e gjashtedhjetë e nje milion e treqind e gjashtembedhjetë mijë e teteqind e njezet e nje) Lekë pa TVSH, zhvilluar në datën 19.01.2026 nga autoriteti kontraktor, Bashkia Rrogozhine.
2. Autoriteti kontraktor lejohet të vijojë me hapat e mëtejshëm të procedurës së prokurimit.
3. Kundër këtij vendimi mund të bëhet ankim në Gjykatën Administrative të Apelit.
4. Kopje e këtij vendimi i dërgohet për njoftim Agjencisë së Prokurimit Publik.
Ky vendim hyn në fuqi menjëherë.

KOMISIONI I PROKURIMIT PUBLIK

Anëtar	Anëtar	Anëtar
Kreshnik Ternova	Anila Malaj	Gjergj Mersini

Nënkryetar
Fiorent Zguro

